

影印
文淵閣

四庫全書

影印

文淵閣四庫全書

第一二二一冊

北京出版集團公司
北京出版社

本冊目次

至正集

附元史本傳

元 許有壬撰……………一

圭塘小藁

別集

元 許有壬撰
許有孚編……………五七九

續集

明 許顯編

欽定四庫全書

集部
至正集
目錄
卷一至四

詳校官編修臣錢樾

侍讀臣孫球覆勘

總校官降調編修臣倉聖脉

校對官修撰臣戴衢亨

謄錄監生臣楊武鏞

欽定四庫全書

集部五

至正集

別集類四元

提要

臣等謹案至正集八十一卷元許有壬撰有壬字可用湯陰人延祐二年進士歷官集賢大學士中書左丞兼太子左諭德致仕卒謚文忠事迹俱元史本傳有壬立朝五十年三入政府于國家大事侃侃不阿多有可紀文章亦雄渾渾闊肆饜切事理不為空言稱元代館閣鉅手所著至正集本一百卷據其弟有孚圭塘小稿序云門生集錄繕寫方畢先生捐館猶子太常博士楨忽遣起遣倉皇之際輕身南行書籍棄擲稿亦俱亡是其集自有壬既沒即以淪佚無傳明宏治間其五世孫顯刊行圭塘小稿時亦未之見故葉盛水東日記載顯嘗言先公至正集一百卷遺失久

欽定四庫全書

至正集

一

矣聞楊少師嘗收有副本就叔簡少卿求之

少卿云書籍在太和有無未可知也此本不

知何時復出而尚闕其十九卷據黃虞稷千

頃堂書目所載卷數正同益相傳祇有此本

其即楊士奇家所藏歟中如箋表傳狀書簡

諸體並闕又有錄而失其辭者詩十一篇樂

府八篇有孚序有稱其論天下事嘉言謨論

見至正集而此本疏稿實無一篇則其散佚

欽定四庫全書

四庫

提要

二

者亦復不少然觀元史本傳載有壬於泰定

初言特們德爾

原作帖木迭兒今改正

之子索南

原作銅南

今改正與聞大逆乞正典刑平章政事趙世延

受禍尤慘為辨冤復職及上正始十事諸大

端皆見是集公移類中亦足窺見崖畧而其

論特克什

原作帖實今改正

之妹勿令汙染宮壺更

人所難言本傳顧未之及是尤可以補史闕

矣乾隆四十六年十月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

四庫

提要

三

欽定四庫全書

集部五

至正集目錄

別集類四 元

卷一

古賦

卷二

古詩

卷三

古詩

欽定四庫全書

至正集
目錄

卷四

古詩

卷五

古詩

卷六

古詩

卷七

古詩

卷八

古詩

卷九

古詩

卷十

古詩

卷十一

古詩

欽定四庫全書

至正集
目錄

卷十二

律詩

卷十三

律詩

卷十四

律詩

卷十五

律詩

卷十六

律詩

卷十七

律詩

卷十八

律詩

卷十九

律詩

欽定四庫全書

至正集
目錄

卷二十

闕

卷二十一

律詩

卷二十二

律詩

卷二十三

絕句

卷二十四

絕句

卷二十五

絕句

卷二十六

絕句

卷二十七

絕句

欽定四庫全書

至正集
目錄

卷二十八

絕句

卷二十九

絕句

聯句

卷三十

序

卷三十一

序

卷三十二

序

卷三十三

序

卷三十四

序

卷三十五

欽定四庫全書

至正集
目錄

五

序

卷三十六

記

卷三十七

記

卷三十八

記

卷三十九

記

卷四十

記

卷四十一

記

卷四十二

記

卷四十三

欽定四庫全書

至正集
目錄

六

記

卷四十四

碑志

卷四十五

碑志

卷四十六

碑志

卷四十七

碑志

卷四十八

碑志

卷四十九

碑志

卷五十

碑志

卷五十一

欽定四庫全書

聖正集
目錄

七

碑志

卷五十二

碑志

卷五十三

碑志

卷五十四

碑志

卷五十五

碑志

卷五十六

碑志

卷五十七

碑志

卷五十八

碑志

卷五十九

欽定四庫全書

聖正集
目錄

八

碑志

卷六十

碑志

卷六十一

碑志

卷六十二

碑志

卷六十三

碑志

卷六十四

碑志

卷六十五

說

卷六十六

誄

傳

欽定四庫全書

至正集
目錄

九

解

銘

箴

卷六十七

贊

卷六十八

頌

辭

卷六十九

文

卷七十

詔

制

表

箋

疏

欽定四庫全書

至正集
目錄

十

啟

卷七十一

題跋

卷七十二

題跋

卷七十三

題跋

卷七十四

公移

卷七十五

公移

卷七十六

公移

卷七十七

公移

卷七十八

樂府

卷七十九

樂府

卷八十

樂府

卷八十一

樂府

欽定四庫全書

至正集
目錄

十一

欽定四庫全書

至正集卷一

元 許有壬 撰

古賦

慶雲賦 并序

至治元年八月十一日仁宗繪像至自灤都有司備禮迎置萬安寺時有慶雲見百官無不見者有壬在班簿後獨以不見為恨泰定二年十一月十五日皇

欽定四庫全書

至正集
卷一

二

上御興聖宮命百官迎英宗像仍置萬安寺神馭至門百技馳進東南抱日五色雲見觀者驚嗟竣事方散有壬陪中書僚屬立衛士廡下始身見之信乎其為非煙非霧郁郁紛紛者也叅議王公繼學作頌志之二聖之靈皇上之瑞發揮悉矣有壬以不見於昔而見於今為幸忘其鄙陋亦作賦以紀之其辭曰昔軒后之御九五也國當淳興伊雲其禎事以斯紀官亦斯名嚳萬世其未熄宛目擊乎瑞精逮重華之大聖

復昭格之有徵百工相和而作歌爛漫漫乎莫形匪至
理之丕應孰天休之或承聖王不作世降道傾治功鮮
効於乘水嗣德罔至於山陵於是為霾為霧為露為氛
或黑兆水或赤象兵喪則示白蟲則著青遂使書物辨
稊有保章氏者出而天人一致之理委太空於冥冥於
皇我元神功即天仁宗大孝視虞舜而不愧英宗勇智
顧成湯而無前是宜聖德之攸著同一揆於後先時也
鼓吹雷動從官駿奔翠幢搖曳於鳳闕霓旌晻霭乎龍

津才山之木雖拱天日之表方新旄倪揮涕以哽咽盛
美觸目而俄臻爾乃萋菲歲蕤蕭索輪囷綺藻成畫繁
縟有倫錦裂繡褫紅鮮翠勻鏤金鏤玉翔鸞躍鱗動如
海潮靜如漪淪碎如袞闌密如絲芬始炳丹以紺飾倏
霞披而電分備五采以為絢變百態於氤氳擺倅指以
莫狀竭般力而徒勤豈天孫之獻技播大巧於元鈞焜
耀璇極浮動紫宸天章下賁萬物為春予以示九重之
上瑞予以彰二聖之至神螻蟻小臣今見昔聞言之不

足喜極沾巾從而為之歌曰天恒有雲兮惟慶則希軒
虞世遠兮後孰有之我元二見兮天豈我私至德交感
兮符祉莫違千秋萬歲兮比我烝黎

迷樓賦

予總轡政廣陵禱雨雷塘掾曹汝霖從歸途談江都
廢興荒煬始末周覽山川闐闐樓居之盛而又及迷
樓焉傷而賦之其詞曰

有樂不縣積慶斷絃有美不御老醜備前於是前星晻

乎其無光少海一變而為田矣天厭隋祚憂不在敵胎
於心腹成於肘腋以五子一母列據雄鎮為可恃而不
知大都耦國為禍之尤劇方荒煬之好學接士也固莫
辨其真偽及其留麗華而怒高顓則惡緒已暴於中外
惜猛虎之不知竟為毛間蟲之所噬黃腸甫湊金合已
賜麀聚居廬龍飛天位弛然自放於九重之上天地萬
物無一物之可畏遂肆心於巡狩傳粉深宮笑江東之
諸帝車轍馬跡將徧九州北巡榆林既讐其酋耀兵河

右黷武東陬引汴水開邗溝置離宮造龍舟伊江都之
勝麗詎一豫而一游天亦厭乎我民欲一旦而盡劉百
萬億之蚩蚩乃生項昇之巧萃僂般於心匠委財幣於
電掃按圖締構不日成之璇室愧陋摘星笑卑傾宮謝
侈阿房讓奇章華姑蘇撮土何施建章栢梁廣猶可稽
叔寶三閣華而不微軼古罔後舉莫我夷於物靡曼於
粲珎瑰寶帳散愁而延月複有酣香而忘歸亂晝夜於
多景鬱煙霧之霏霏晶瑩奪目孰辨遠邇縈紆倚足曷

欽定四庫全書

至正集
卷一

四

明東西巢燕亦惑乎網戶車羊尤眩乎竹枝弄臣肆誤
以資喙阿媼雖習而猶疑入者罔識其所從出者莫省
其所蹊一蟻逐肉林之臭一蜂憊花島之飛蠅遭拍浮
而醉不可解舟入溟濤而維無所施又如鷁鷁不能悉
鄧林之樹小鮮豈暇窮滄海之涯俊娥熟何妥之車錫
名實來夢之兒下俚稚女孰究其姓字如侯夫人之死
者蓋漫不知吁嗟獨夫心蕩神疲尚能名之可謂曰迷
昔在帝堯法官是作舜闢四門以撤壅遏明堂政令辟

雍禮樂究義資訓德修罔覺遠不軌與不物實儀刑之
攸託三苗羲和昏迷致兵政教不迷在書可徵威儀卒
迷詩具刺懲盤盂几杖微且有銘異哉茲樓以惡者稱
謂真仙亦迷於此地何處通突至不迷于厥行向使中
原無叛天復假齡殆將作七千五百里之臺而盡糜天
下之蒼生矣人不知過或肆無忌苟知其非敢作而遂
觀其引鏡念頭顛之且所觀天識圖儂之將至既灼然
而自知乃確乎其自棄蓋柔終而無改過之勇厚極而

欽定四庫全書

至正集
卷一

五

有難開之蔽迷於心者若是其大迷於樓特其細也高
岸為谷深谷為陵樓傾土平傷哉蕪城乃為之歌曰蕪
城蕭蕭兮草離離繁華漸盡兮瓦礫不遺昔之迷不可
復兮無俾世迷

弄田賦

元統甲戌有壬承乏中臺嘗與議農政因語農官上
林隙地可規治藝五穀若古弄田皇上幾暇監農不
易迂而實切其說既不行且有竊笑之者噫古制之

不復者多矣豈獨是耶感而賦之其詞曰

王政之大無以加於農乎林林總總以食為天茹飲俗
變稼穡興焉唐虞至聖命稷是先蒼姬八百年之王業
實基於生民之篇炎劉去古而未遠貽謀亦慎乎其傳
未央宮中不事流連樹藝有地是為弄田謂昭帝幼沖
未能親於帝籍鈎盾近省姑試耕以為劇何考信之不
覈致流傳之昧實蓋祖宗為敦本而設雖曰遊弄而亦
不忘乎稼穡也天下之治生於敬畏目擊之頃知農夫

欽定四庫全書

卷一

六

之艱難粒米之不易有不惕然而悟凜然而惴者乎其
為弄也非奇技淫巧以數常也非狗馬遊獵以導荒也
非鄭衛哇邪以塞聰也非妖豔靡曼以作矇也非以人
為翫若董賢鄧通也日底天廟土脈膏滋爰驅轂鯁俶
載其時擾而人立甚險竿之嗽危播而子落若淵客之
珠璣人牛前逝牽石後隨又如跳丸之飄忽走索之飛
馳俄青脩覆乎畦畛何眩人之能為惡莠亂苗尤務去
惡俄穎俄粟挫挫其獲蓋始于舉耜而終于銍艾莫不

可翫而可樂顧俳優之襲狎器物之不軌魚龍曼衍之

鄙吞刀吐火之詭何足以辱天視之一睨哉若稽耕藉
有國大教王后供種太史播告秉耒一墾朱紘有耀神
倉鍾藏冢宰舉要所以勸農民供盛盛而事天地與祖
廟也三代共由之大典百王不廢之要道何周宣中興
之哲王乃不藉其千畝至形號文公之譙則江東之未
暇又無足與校也開元之盛種麥苑中太子侍登治並
古隆是亦弄田之遺意惜其有始而無終於惟我朝登

欽定四庫全書

卷一

七

三邁五南郊的的有田千畝大臣代耕歲事修舉而齋
宮尚稽於享醴玉趾未親於舉武是以奮庸之士拳拳
有望於復古昔周公之相成王也書有無逸詩有七月
知稼穡王業之艱難丕顯文承武之謨烈率婦子而親
觀宜詩人之播說臣願割苑中數畝之隙俾從事於播
種備春秋之遊豫淳未央之名弄然後講三推之儀明
五禮之重臣敢陋潘岳江淹之賦復有周之雅頌也

闕駝賦

元統甲戌九日上幸後苑觀鬪馳有壬適有奏對獲
遂一觀退而為之賦曰

于嗟乎駝爾軀孔碩爾能實多龍斯天矯山斯差我生
鄒善之絕域邈流沙而迅過日三百猶跬步輕千斤之
負馱方炎風之煽毒劇殲人於札瘥爾乃即沙滅口警
候靡譌度磧渴水口塵莫吐迹蹢而鑿涓涓盈科其或
脩程阻艱芻秣罔繼漉麪茹銜糾纏堅閉浹辰無飢萬
里不遑校他用之凡歟茲實氣稟之尤異者也蹢不分

欽定四庫全書

卷一

八

甲路鐵其堅肉鞍喂喘雙峯轟聯復有傑出一封歸然
力倍恒品直當萬千其穹莫扳抑之即從弭耳伏地屈
足漏空累乘駢坐奚婢塞童毳繩掣鼻自西自東昂首
噴穢呼圖生風翠釜之珍其忍取供流湏甘頰馬酒釀
醲墮毳絢緝褐被域中風土既習字育日豐板襪其雛
稚紫茸茸冶銅象形僅得其槩疥不嫵媚劉文適類景
純著贊論功遺大歷唐及宋紀述未備皇元御天西北
首賓天竺效貢泉渠空羣魚魚連連列殿雲屯千乘萬

騎灤水歲巡負鼓先聲服箱後塵背錦模糊絡珠璫
鈴鐸殷地旌旆盪雲開闢而下有國之有駝者未有若
我朝之殷也牧索分職秩浮令丞負重致遠人知其能
有知其出拔之奇搏擊之精者乎苑草未凋風日清美
九重幾暇鳳輦莅止俯察品彙縱觀物理虎賁執纜兩
兩相睨騰威傾奔若欵徙倚待怒氣之既盈俄侵凌之
漸邇脫羈發縱勢邁角觝始齧頸而踟躕復摩肩如委
靡乍分立以伺隙遽挑釁於駢駢忽若風燕盤旋如

欽定四庫全書

卷一

九

磨蟻剌然踴躍人立對起波瀾土墳雷轟電駛持久跼
跼勝負未決貂璫聲援陸楯皆裂餘勇雖鼓虛驕已竭
嗟兩雄之相厄卒不遑乎一蹶勝者植立揚揚自慊主
矜調擾望拜蹙躡天為噬噓賜沓繒帛嘗聞單于祭三
龍祠以是為樂龜茲觀七日戲以占耗息今始得以驗
其說鄙哉季邱介金其難杜鄩走馬時在側微聞元南
面何取於斯顧羽毛之瑣瑣瀆黼宸之巍巍而登床之
舞馬亦不過示異於宴嬉又孰若大逾犀兕猛軋虎驅

可以鼓吹飛之士激羽林之孤者哉小臣在列顧瞻震
栗悸定而懾氣塞而釋目隘而豁足痿而力歸來人間
塵土空集袋馴白唐籠飼促織黃雀山鷓種種有敵下
里何知小兒方劇觀於海者難為水曾何辱乎目擊然
臣有芻蕘之言增渤海以涓滴大小雖殊翫物則一惟
吾皇游六藝之圃徵勝負於往昔愚臣一第非手搏而
得視試下為期門之徒亦粗可以備顧問而陳得失也

三臺賦

欽定四庫全書

至正集
卷一

十一

至正三年九月二十四日有壬偕明初馬徵君游三
臺明初有長句既次其韻永歌不足又作是賦其詞
曰

歲癸未秋九月霜清寒薄天宇澄澈塗無長泥庭有積
葉高陽子逸興作呻卑輟趣膏秣事登涉壺清露之芳
醞從白眉之佳客乃渡清洹稅駕乎鄴覽山川之形勝
弔陳迹之未滅客乃指顧而相告曰子亦見夫三臺之
嵒嵒者乎永井峙北金虎踞南銅爵巖巖中立而三若

稽作者振古所慙欲祛我銜不能縷談子亦欲聞其凡
乎高陽子曰嘻昔有塗巷話古事及漢季小兒聞曹敗
則大喜劉蹶則輦蹙而出涕蓋人心天理之所同況怒
其人而履其地因其跡而聲其罪不亦宜哉客乃言曰
吉利之生姓不自知由嵩已冒夏侯何稽舞戟禦捕啖
葛如飴誑叔以疾拒客以泥睥睨一世岸然肆欺雖橋
何之見異卒莫逃子將之譏謂興義以寧國致羣材之
景隨爾乃劫遷乘輿地尊天卑彝倫攸斁大厦以隳及

欽定四庫全書

至正集
卷一

十二

乎袁尚既敗審配亦摧黃星斯應亦精遂微入鄴領冀
州之牧中天植不臣之基慮幾人之稱王乃居之而不
疑幾簣幾杵成茲崔嵬子午梁貫愈出愈奇三山龍戴
雙闕鳳飛連甍複道相為蔽虧累棟山積周軒雲齊陽
宮冬熙凌室夏淒審曲面勢有巧無遺衡漳浩浩乎其
北隆慮靡靡乎其西收千里於寸眸萃萬景於一時卷
山河而匪席指風霆其在順應劉王徐唱酬諏咨登高
能賦家有陳思父子放志欲長若斯天道惡盈樂極則

悲撫沖弱之季豹顧婉孌之蛾眉語託人而哽塞惟泣
血之漣而痛富貴之長違遽盡露其情狀彼一床之八
尺容幾許之總帳要脯糈於朝晡競聲樂於朝壘分香
衣而造履組舉瑣瑣於屬續其橫槩賦詩之雄發辟戟
后之威奄忽而俱喪匪不及乎篡代丕蓋定於主鬻鎖
諸妓於幽閨望西陵之莽蒼念舊寵而興悲抑茹怨而
自愴霜鴈訴秋露花泣春宰木行拱几筵有塵哀絃急
管其聞不聞事往跡存如惡不泯夫以精舍二十年之

規欲媒孽萬年之為君不知司馬家兒已瞠乎其側而
恥於附其翼攀其鱗也徒為趙燕魏齊之張本因之增
侈重困乎吾民幸疊障之不鏟俾表惡於無垠今吾與
子效小兒之顰蹙申欺孤之公議傾壺中之清醇澆胃
次之醜磊且以酌漢室征西之將軍魏家創業之武帝
子以為何如高陽子聞而歎曰瞞乎瞞乎如容之言則
爾之罪窮天地亘萬世而不可貫矣然誅則以心論言
不以人廢乃歌其歌曰對酒當歌人生幾何憂思難忘

唯有杜康於是引滿竭壺興盡而返回望三臺渺蒼茫
乎醉眼

瑞麥賦

大名為河北大郡開又屬州之大者也皇上新守令
之法於是塔塔錦裕魯元臣白守忠公嚴皆以郎官
慎選出守是州未幾政化大行瑞麥駢生或一稔而
二實或一莖而兩歧二君寄圖徵言於有壬乃為之
賦曰

靈芝兮三秀珍木兮連理萐莆兮叢生嘉蓮兮共蒂是
雖委祥疊貺之可書曾不足以弭枵腹之殷雷效粒米
之狼戾瞻茲澶淵茫茫大田觸凍寢生細莖插煙四運
周歷六陽氣全冷霧免殞赫曦實堅方翠浪兮漲陸條
黃雲兮際天乃斟我箱揮鈔電旋京坻善收中有異焉
金芒蜩磔珠實蟬聯一稔二粒若子之孳一莖兩歧若
首之駢耄倪駭矚奔走喧聞念休徵之允叶蓋有開而
必先即影而求其形非根我黃堂之二賢乎二賢設施